



## Ned ning sēn yās Wēnd todsē wā n ka lut a pugē la sēn lut a pugē wā bilgri, yaa wala neb sēn na n kē koglg pugē, tī sānda paam yīngrā, tī sānda be tēngrā

Yii a Annu'umaan [bn Bašur nengē, (Wēnd yard be b byiibā yīnga), tī Wēnd Tēn-ntuuma, (Wēnd puug la A tigr be a yīnga) yeelame: «Ned ning sēn yās Wēnd todsē wā n ka lut a pugē la sēn lut a pugē wā bilgri, yaa wala neb sēn na n kē koglg pugē, tī sānda paam yīngrā, tī sānda be tēngrā, tī sēn be-b tēngrā sā n rat n teogd koomā, b puugda yīngrā, tī b yeele: tōnd sā n pārg tōnd nengē wā vōore n teogd beenē la d ra nams neb nins sēn be yīngrā ye, rēnd koglgā rāmb sā n bas bāmbā ne b sēn rat būmb ningā, b fāa na n halkame, la b sā n gād-ba b pōsdame, tī b fāa pōse».

[Naṣun Ṣahuḥun (Gom-sikdem sēn manege)] [A Al-Buḥaariy n togs-a]

Nabiyaamā (Wēnd puug la A tigr be a yīnga) rīka bilg-n-taare ne ned nins sēn yās ne Wēnd todsā, n tēeg turg ne Wēndā, n sagend ne manegre, la b gudgd yel-kiti wā, la neb nins sēn lut Wēnd todsē wā, n basd saglsā, n maand yel-kiti wā, n basd vūun yookā nimbuidā pugē wā, b yaa wala neb sēn kē koglgo, tī b na n los poerā n bāng neb nins sēn na n zīnd koglgā yīngrā la neb nins sēn na n zīnd a tēngrā, tī sānda paam α yīngrā tī sāndā paam α tēngrā, la sēn be b tēngrā, b sā n rat koomā b puugda sēn be b yīngrā n paam n yāke, tī sēn be b tēngrā yeele: tōnd me sā n poog vōore d zīgē wā tēngrā kaanē, n yākd koomā beenē, sēn na yilē n ka nams neb nins sēn be tōnd zugē wā, rēnd yīngr rāmbā sā n bas bāmba, koglgā bōrda ne b fāa gilli, la b sā n yik n vēneg n wilg-ba la b gudg-ba, sul a yiibā fāa na n pōsame.

<https://sunnah.global/hadeeth/mos/show/3341>

